

SYARAT-SYARAT KELULUSAN PUSAT KECCANTIKAN DAN PENJAGAAN KESIHATAN

1. PREMIS DAN LOKASI

- a) Lokasi premis hendaklah berjauhan daripada kawasan sensitif (kediaman, rumah ibadat dan sekolah), kompleks perdagangan, kompleks membeli-belah dan kedai pejabat sahaja.
- b) Pintu masuk pusat kecantikan dan penjagaan kesihatan hendaklah diliputi cermin telus bagi satu per empat daripada permukaannya dan pintu itu hendaklah tidak dikunci semasa waktu perniagaan.
- c) Pemegang lesen tidak boleh menyekat keseluruhan tempat-tempat di dalam pusat kecantikan dan penjagaan kesihatan yang digunakan untuk apa-apa urutan atau rawatan bagi memelihara mana-mana bahagian badan dan muka.
- d) Pemegang lesen hanya dibenarkan memasang langsir seperti yang ditentukan oleh PBT untuk mengasingkan katil-katil yang digunakan untuk mengurut dan merawat tetapi langsir tidak boleh melebihi dua(2) meter tinggi dari lantai.

2. PEKERJA DAN TUKANG URUT

- a) Pekerja dan tukang urut hendaklah berpakaian seragam yang tidak menjolok mata.
- b) Warna dan rekabentuk pakaian seragam ditentukan mengikut kesesuaian oleh PBT.

3. PEMERIKSAAN KESIHATAN

Semua pekerja yang memberi rawatan bagi urutan perlu menjalani pemeriksaan kesihatan oleh seorang Pegawai Perubatan enam (6) bulan sekali.

4. DAFTAR PEKERJA DAN PELANGGAN

- a) Satu buku daftar yang mengandungi nama, no kad pengenalan , alamat kediaman, gambar dan butiran yang berkaitan dengan pekerja dan tukang urut hendaklah disediakan.
- b) Satu buku daftar yang mengandungi nama, pelanggan , no. kad pengenalan, warganegara , alamat kediaman , tarikh dan masa hendaklah disediakan.

5. MASA OPERASI

Premis dibenarkan beroperasi sehingga pukul 1.00 pagi sahaja.

6. PELESENAN

Perniagaan adalah dilesenkan dibawah Undang-Undang Kecil Pusat Kecantikan dan Penjagaan Kesihatan 2007.

7. WANG CAGARAN

- a) Setiap permohonan dikenakan bayaran cagaran. Wang cagaran tersebut adalah sebagai jaminan kepada pemohon supaya pada setiap masa mematuhi peraturan dan syarat-syarat pemberian lesen yang ditetapkan.
- b) Wang cagaran tersebut akan dirampas (forfeited) apabila pemohon melanggar syarat-syarat atau sekatan lesen itu dan peruntukan-peruntukan enakmen atau mana-mana peraturan yang telah ditetapkan.

8. JANGKA MASA SALAHLAKU LESEN

Secara prinsip, sesuatu lesen tidak boleh diperbaharui sebagai suatu hak kecuali dibuat melalui permohonan baru. Untuk ini dicadangkan permohonan pembaharuan lesen hendaklah dikemukakan selewat-lewatnya 3 bulan sebelum tarikh luput lesen.

9. SYARAT-SYARAT LESEN

Sesuatu lesen yang dikeluarkan adalah menyatakan dengan jelas syarat-syarat sesuatu rumah urut tersebut. Ini meliputi syarat-syarat seperti berikut:-

a) Am

- i. Had masa operasi
- ii. Kebersihan premis
- iii. Pencahayaan (lighting) dlamam hendaklah sentiasa terang
- iv. Pengudaraan (ventilation)
- v. Sistem keselamatan
- vi. Semua pengubahsuaian yang dibina mesti mendapat kebenaran Jabatan Bangunan PBT dan perakuan Jabatan Bomba.

b) Khusus

- i. Pekerja asing perlu ada permit dari Jabatan Imigresen dan membuat Pemeriksaan Kesihatan
- ii. Pengasingan bilik tempat mengurut dengan pintu ayun atau langsir kain sahaja yang tidak melebihi ketinggian dua meter.
- iii. Menyediakan maklumat/rekod pekerja dan bersedia menunjukkan kepada pegawai pemeriksa apabila diminta.
- iv. Maklumat yang diperlukan ialah nama pekerja, umur, no.kad pengenalan/passport, warganegara dn tahap kelulusan.
- v. Maklumat pelanggan (nama, alamat, pekerjaan dan tarikh kunjungan) hendaklah direkodkan dalam buku khas dan boleh ditunjukkan kepada pegawai pemeriksaan apabila diminta.
- vi. Dilarang mempamer gambar lucu dalam premis urut atau sekitarnya.
- vii. Semua tukang urut dan pekerja hendaklah berpakaian seragam yang sopan serta tidk menjolok mata.
- viii. Mempamerkan papan tanda pada setiap masa di tempat yang mudah dilihat di luar rumah urut.
- ix. Aktiviti pelacuran dilarang sama sekali.

10. PEMBATALAN LESEN

Sesuatu lesen boleh dibatalkan oleh Pegawai Pelesenan pada bila-bila masa melalui suatu notis bertulis jika pemeganag lesen didapati melakukan pelanggaran peruntukan undang-undang atau mana-mana peraturan.

11. KAEDAH PELAKSANAAN DASAR DAN GARIS PANDUAN

Mana-mana pusat kecantikan dan penjagaan kesihatan yang berlesen tetapi tidak mematuhi syarat mengikut dasar dan dasar panduan ini, hendaklah diberi peluang untuk memenuhi syarat dalam tempoh 3 bulan dari tarikh keputusan permohonan diumumkan oleh PBT. Jika mereka gagal selepas tempoh tersebut, mereka diminta memberhentikan operasi atau dikenakan tindakan penguatkuasaan.